



МИЛЛИЙ СУГУРТА КОМПАНИЯЛАРИДА МОЛИЯВИЙ МЕНЕЖМЕНТНИНГ ЎРНИ

Илхомжоновна Фотима Мухиддиновна

Тошкент молия институти “Менежмент ва маркетинг” кафедраси ўқитувчиси
email: ilxomjanovafotima@gmail.com

ARTICLE INFORMATION

Volume: 1

Issue: 5

DOI: https://doi.org/10.55439/INSURE/vol1_iss5/a1

ABSTRACT

Мақолада миллий сугурта компанияларида молиявий менежментнинг ўрни, жорий молиявий режалаштириш ҳолати бўйича таҳлиллари келтирилган. Миллий сугурта компанияларини молиялаштиришда фонд бозорининг имкониятлари ва акцияларни оммавий жойлаштириш амалиёти механизмлари келтириб ўтилган. Ушбу мақоланинг мақсади миллий сугурта компанияларида молиявий менежмент ҳолати ва даражасини аниқлаш ҳамда фаолиятни молиялаштиришда фонд биржаларидан фойдаланишда талаб этиладиган тадбирларни аниқлашдан иборат. Ушбу қўйилган мақсадларга эришиш йўлида муаллиф томонидан тадқиқотлар амалга оширилган ва натижаларга эришилган.

“Сугурта фаолияти”, “Фонд бозори”, “молиявий менежмент”, “акция”, “бирламчи оммавий жойлаштириш(IPO)”, “молиялаштириш”, “маркет-мейкер”, “облигация”, “дивиденд”.

KEYWORDS

Кириш

Халқаро амалиётдан маълумки, компанияларда стратегик жиҳатдан молиявий режалаштириш ва уни назоратини олишда молиявий менежментнинг ўрни бекиёс ҳисобланади. Миллий иқтисодиётдаги акциядорлик жамиятларида, хусусан, сугурта компанияларида фаолият барқарорлигини таъминлаш ва юқори самарадорликка эриши учун харкандай молиявий ресурслар самарали ишлатилиши лозимдир. Шунингдек, Шунингдек, 2022 — 2026 йилларга мўлжалланган янги Ўзбекистоннинг тараққиёт стратегиясида: “иқтисодиёт тармоқларида барқарор юқори ўсиш суръатларини таъминлаш орқали келгуси беш йилда аҳоли жон бошига ялпи ички маҳсулотни — 1,6 барабар ва 2030 йилга бориб аҳоли жон бошига тўғри келадиган даромадни 4 минг АҚШ долларидан ошириш ҳамда «даромади ўртачадан юқори бўлган давлатлар» қаторига кириш учун замин яратиш»[1], шунингдек, Ўзбекистон Республикаси Президентининг 2023 йил 11 сентябрдаги «Ўзбекистон — 2030» стратегияси тўғрисида»ги ПФ-158-сон Фармони ҳамда “«Ўзбекистон — 2030» стратегиясини 2023 йилда сифатли ва ўз вақтида амалга ошириш чора-тадбирлари тўғрисида»ги ПҚ-300-сонли қарорига мувофиқ, “ижтимоий сугурта тизимини жорий этиш бўйича, хусусан, сугурта тўловларини молиялаштиришнинг манбаларини аниқлаш, ижтимоий сугурта жамғармаси маблағлари ҳисобидан тўланадиган тўловларни белгилаш, ижтимоий сугурта тизими доирасидаги кафолатланган сугурта тўловлари орқали норасмий бандликни камайтириш ва расмий меҳнат муносабатларига ўтишни рағбатлантириш бўйича вазибалар белгилаб олинган»[2]. Ушбу жиҳатларни инобатга олганда, сугурта компанияларида “Молиявий менежмент” тизимини ривожлантириш ва уни оптималлигини таъминлаш муҳим аҳамият касб этади.

Мавзуга оид адабиётлар таҳлили. Ҳозирги кунда акциядорлик жамиятлари фаолиятини самарали ташкил этиш, фаолият рентабеллигини ошириш, молиявий ресурсларни режалаштириш, назорат қилиш, қайта тақсимлаш, шунингдек, улардаги лойиҳаларни молиялаштиришда фонд биржалари ва тижорат банкларининг ўрни

бўйича бир қатор илмий-амалий тадқиқотлар олиб борилмоқда. Хусусан, хорижлик иқтисодчи олимлардан Michael J.Barclay, Fangjian Fu, Clifford W.Smithлар ўзларининг “Seasoned equity offerings and corporate financial management” номли илмий тадқиқотларида корпоратив тузилмаларда акциялар кийматини оширишда молиявий менежментнинг ўрни таҳлил қилиб ўтганлар[3]. Иқтисодчи олимлардан Michael Melvin, Stefan Norrbinлар трансмиллий компанияларда молиявий менежмент ва унинг функцияларини кўрсатиб, “трансмиллий фирмалар турли валюталарда ифодаланган кредиторлик ва дебиторлик қарзлари, маҳсулотнинг миллий чегаралар орқали жўнатилиши ва турли сиёсий юрисдикцияларда фаолият юритувчи шўба корхоналари мавжудлиги сабабли уларнинг фаолиятида молиявий менежментга оид турли муаммолар пайдо бўлишини” баён этганлар.

Молиявий технологияларнинг компания молиявий ресурсларини бошқарувидаги ўрни ва “Nexus” таҳлилин молиявий менежментда самарали тадбиқ қилиш юзасидан хорижлик иқтисодчи Juan Wu ўзининг “Nexus analysis of financial management, digital finance and new technologies” номли тадқиқотида атрофлича кўриб чиққан[4].

Корпоратив тузилмаларда солиқларнинг молиявий ресурсларни режалаштиришга таъсири ва солиқ имтиёзларнинг самарадорлиги бўйича иқтисодчи олимларимиздан С.Элмирзаев илмий тадқиқотларни олиб бориб[5], солиқ менежментини молиявий менежментга боғлиқлик даражасини кўриб чиққан.

Юртимиз иқтисодчи олимларидан Р.Карлибаева молиявий менежмент тараққиётининг асосий босқичларини 5 даврга бўлиб, уларнинг асосий моҳиятларини очиб берган[6].

Сугурта компанияларига қимматли қоғозлар бозори орқали бўш молиявий ресурсларни жалб этиш ва улар орқали йирик лойиҳаларни амалга ошириш борасида иқтисодчи олим А.Каримов[7] илмий тадқиқотлар олиб борган.

Иқтисодчи олимлардан А.Темиров ўз илмий тадқиқотларида кичик бизнес субъектларини ривожлантириш кўпинча, улар фаолиятида молиявий бошқарувнинг қай даражада ташкил

этилганлигига боғлиқ бўлишини, корхонада молиявий менежментни улар фаолиятига киритилган бошлангич инвестицияларни қайтариш, фойдани қўпайтириш ва корхона бозор қийматининг баркарор ўсишини таъминлаш мақсадида молиявий муносабатларни бошқаришнинг шакллари, усуллари ва тамойиллари мажмуаси сифатида эътироф қилиш мумкинлигини[8] қайд этиб ўтган.

Тадқиқотни амалга оширишда фойдаланилган усуллар (Methods/Методы). Тадқиқотда қўйилган мақсадларни амалга оширишда мантикий ва таркибий таҳлил қилиш, гуруҳлаштириш, иқтисодий-статистик таҳлил, ўзаро ва қиёсий таққослаш усулларида самарали фойдаланилди.

Олинган натижалар (Results/Результаты). Олиб борилган таҳлиллар натижасида миллий сугурта компанияларида молиявий менежментнинг функцияларидан самарали фойдаланиш орқали фаолият рентабеллигини ошириш кўрсатиб ўтилган. Шу билан бирга, компанияларда молиявий менежментнинг ривожланишига тўсиқ бўлаётган ҳолатлар ҳамда уларни бартараф этиш йўллари асослаб берилган.

Таҳлиллар (Analysis/Анализ). Сугурта компаниялари сугурта бозорида молиявий хизматларни амалга ошириб, табиий офатлар (зилзила, сув тошқини, ёгин ва бошқалар), ҳар хил бахтсиз ҳодисалар рўй бериши натижасида қўрилган зарарни қоплаш ва бошқа пул қопламалари тўлаш учун мақсадли пул жамғармаларини ташкил этиш ва ундан фойдаланиш билан боғлиқ иқтисодий муносабатлар субъекти сифатида намоён бўлади.

Ўзбекистон Республикасининг “Сугурта фаолияти тўғрисида”ги Қонунида қайд этилганидек, “Сугурта бозорининг профессионал ишторкчиларини ташкил этиш ва давлат рўйхатидан ўтказишда сугурталовчилар (қайта сугурталовчилар) акциядорлик жамияти шаклида ташкил этилади”[9]. Сугурта компаниялари 25 феврал 2022 йилга қадар акциядорлик жамиятлари ва маъсулияти чекланган жамиятлар шаклида фаолият олиб бораётган эди. Қонунчиликдаги ўзгариш бўйича сугурта компаниялари фақатгина акциядорлик жамиятлари шаклида ташкил этиладиган бўлди. Сугурта фаолияти билан боғлиқ расмий статистикани кузатар эканмиз, Ўзбекистон Республикасида молиявий хизматларнинг ҳажми 2022-йилда 20 697,7 млрд. сўмга ошди ва 80 431,0 млрд. сўмга етди. Жами кўрсатилган хизматлар ҳажмида молиявий хизматларнинг улуши 22,5 фоизни ташкил этди. Жами молиявий хизматларнинг ўсиш суръати 129,3 % ни ташкил этди. Шунингдек, сугурта бўйича хизматлар 7,3 фоизни ёки 5,871 трлн. сўмни ташкил этган бўлса, 2021 йил якуни бўйича ҳисобот маълумотларига кўра, 47та сугурта компанияси томонидан 6841354 та шартномалар тузилган ёки 2020-йилнинг шу даврига нисбатан солиштирилганда 115,2 фоизни ташкил этди[10]. Ушбу жиҳатларга эътибор қаратганда, сугурта бозорини ривожлантириш ва янги сугурта инструментларини тақдим этиш муҳим аҳамият касб этади.

Сугурта фаолиятини олиб боровчи компаниялар томонидан жисмоний ва юридик шахсларга кўрсатилаётган асосий хизматларидан бири:

Автотранспорт воситаларини сугурталаш;
Ижтимоий сугурта;
Юкларни сугурталаш;
Мажбуриятларни сугурталаш;
Тиббий сугурта;
Ипотека сугуртаси;
Мол-мулкни сугурталаш

1-расм. Сугурта компаниялари хизматлари[11]

Автотранспорт воситаларини сугурталаш;
Ижтимоий сугурта;
Юкларни сугурталаш;
Мажбуриятларни сугурталаш;
Тиббий сугурта;
Ипотека сугуртаси;
Мол-мулкни сугурталаш.

Сугурта компанияларида молиявий ресурсларни бошқариш, уларни режалаштириш ва назоратини олиб бориш муҳим аҳамият касб этади.

Фаолият қўлами, мулкчилик шакллари ва фаолият турлари хилма-хиллигига боғлиқликда корхоналар молиясини бошқариш тизими етарли даражада мураккаб тузилмаган эга бўлиши мумкин. Корхоналарнинг молиявий ресурсларини шакллантириш

хусусиятлари ва жалб қилиш шароитлари, уларни тақсимлаш йўналишлари ва методлари қуйидагиларга боғлиқ ҳолда сезиларли даражада фарқ қилади:

- корхоналарнинг молиявий-хўжалик фаолияти қўлами;
- корхоналар ривожланишининг ҳаётий цикл босқичлари;
- бизнес юритишнинг ташкилий-ҳуқуқий шакллари ва бошқалар.

Акциядорлик жамиятларида молиявий ресурсларни бошқариш ва акциядорлар ҳуқуқларини ҳимоя қилишда корпоратив бошқарув ҳамда молиявий менежментнинг ўрни бекиёсдир. Иқтисодий адабиётларда таъкидланганидек, молиявий менежмент – бу корхонанинг стратегик ва жорий мақсадларини амалга оширишга йўналтирилган молиявий ресурсларни ва молиявий фаолиятни бошқаришдир. Сугурта компанияларида молиявий менежментнинг комплекс вазифалари таркиби операциялар қабул қилиш, инвестицион қарорлар қабул қилиш, молиявий қарорлар қабул қилишдан иборат. Сугурта компаниясида молиявий менежмент тизими қай даражада оптимал ва самарали ташкил этилган бўлса, шу даражада тизимли рискларни олдини олиш ҳамда фаолият рентабеллигини ошириш имконияти юқори бўлади.

Молиявий менежментнинг моҳияти унинг бажарадиган функцияларида намоён бўлади. Молиявий менежментнинг комплекс мазмунидан келиб чиққан ҳолда унинг бажарадиган функцияларини иккита асосий гуруҳга бўлиш мумкин: бошқарув субъектининг функциялари; махсус функциялар.

Биринчи гуруҳ функциялар таркиби ҳар қандай бошқарилувчи тизимости учун бир хил тавсифга эга. Улар таркибига ташкил этиш, таҳлил, режалаштириш, мотивация ва назорат киритилади.

Молиявий менежментнинг махсус функциялари гуруҳи бошқарув фаолиятининг алоҳида тури сифатида молиявий менежментнинг ўзига хос хусусиятлари билан тавсифланади. Уларга қуйидагилар кириди;

- активларни бошқариш;
- капитални бошқариш;
- инвестицияларни бошқариш;
- пул оқимларини бошқариш;
- молиявий рискларни бошқариш[11].

Юртимизда фаолият олиб бораётган сугурта компанияларида ҳам молиявий менежмент тизими шакллантирилган ва унинг функцияларига оптималлаштирилмоқда. Хусусан, “Капитал сугурта” АЖ СКнинг 2021-2022 йиллар учун молиявий ҳисоботи маълумотларини қуйида кўриб чиқишимиз мумкин.

“Капитал сугурта” АЖ СКнинг 2021-2022 йиллар учун молиявий ҳисоботи, минг сўмда[12]					1-жадвал	4-жадвал
хисоботи, минг сўмда[12]					линий	линий
Кўрсаткич номи	2021 йил(нинг сўм)		2022 йил(нинг сўм)		2021	2022
	Даромад (фойла)	Харажатлар (ёқотилар)	Даромад (фойла)	Харажатлар (ёқотилар)		
Сугурта хизматларини кўрсатишдан даромадлар	79 224 990,18	0,0	115 927 041,53	0,00	298	413
Воситачилик хизматини кўрсатишдан даромадлар	142 515,12	0,0	309 179,57	-	9,69	15,07
Қайта сугурта бўлими зарарлар уқимининг қоплашнинг бўлими даромадлар	41 026,7	0,0	-	-	207 652 373,7	274 244 908,7
Қайта сугурта бўлими қозғоқсон, муайяналар ва битимлар бўлими даромадлар	4 260 762,89	-	16 799 889,85	-	76,38	77,94
Адвкатлар ва соғинар хизматларини кўрсатишдан олинган даромадлар	0,0	0,0	-	-	30,81	27,42
Сугурта хизматларини кўрсатишдан соф дарамад	83 669 294,87	0,0	133 036 110,95	0,00		
Кўрсатилган сугурта хизматларининг таннари	0,0	67 457 351,43	0,00	95 992 155,32		
Сугурта хизматларини кўрсатишдан эгил фойла (зарар)	16 211 943,44	0,00	37 043 955,63	0,00		
Давр харажатлари	0,0	23 098 060,16	0,00	46 918 647,16		
Асосий фаолиятнинг бошқа даромадлари	1 006 950,85	0,00	1 122 908,46	0,00		
Асосий фаолиятнинг фойласи (зарари)	0,0	5 879 155,87	0,00	5 761 783,07		
Молиявий фаолиятнинг даромадлари	7 511 464,77	0,0	18 570 019,02	0,00		
Молиявий фаолият бўлими харажатлари	0,0	174 056,43	0,00	6 573 073,62		
Умумхўжалик фаолиятининг фойласи (зарари)	1 458 262,5	0,0	3 245 162,3	0,0		
Ҳажмқилиқли фойла ва зарарлар	0,0	0,0	0,0	0,0		
Фойла солиғини қўшумча қилиш фойла солиғи	1 458 262,5	0,0	3 245 162,3	0,0		
Фойла солиғи	0,0	356 449,9	-	1 603 098,21		
Ҳисобот заварининг соф фойласи (зарари)	1 101 802,5	0,0	1 642 064,1	0,0		

1-жадвал маълумотларида “Капитал сугурта” АЖ СКнинг 2021-2022 йиллар учун молиявий натижалари кўрсатиб ўтилган бўлиб, сугурта хизматларини кўрсатишдан даромадлар 2022 йилда 115,9 млрд. сўмни ташкил этиб, ўтган йилга нисбатан 146 фоизга ошган. Шу ўринда таъкидлаш жоизки, давр харажатлари ҳам 2 бараварга ошганлигини кузатишимиз мумкин. Сугурта компаниялари учун активлар ва хусусий капитал рентабеллиги муҳим аҳамият касб этади. Қуйида “Капитал сугурта” АЖ СКнинг йил якуналари бўйича

молиявий кўрсаткичлар, активлар ва хусусий капитал рентабеллиги кўрсатиб ўтилган (2-жадвал).

2-жадвал
“Капитал сугурта” АЖ СКнинг йил якуни бўйича молиявий кўрсаткичлар, минг сўмда[12]

Кўрсаткич	2015	2016	2017	2018	2019	2020	2021	2022
ROA (%)	0	0	7,58	2,42	0,43	1,22	0,74	0,75
ROE (%)	0	0	22,96	7,34	1,58	2,76	2,01	2,98
Сугурта заимлари - (пашк, 580-бег)	29 073 411	33 784 633,8	34 176 663,2	52 449 151,1	66 579 348,39	75 359 138,34	108 136 521,78	133 458 422,74
Сугурта даражаси	54,19	64,58	58,69	60,69	60,66	60,36	72,49	61,21
Капитал даражаси	28,98	26,5	32,99	32,89	27,32	44,33	36,72	25,28

2-жадвал маълумотларида “Капитал сугурта” АЖ СКнинг 2015-2022 йиллар учун активлар рентабеллиги(ROA), хусусий капитал рентабеллиги (ROE), сугурта захирлари ва даражаси ҳамда капитал даражаси йиллар кесимида кўрсатиб ўтилган. Хусусан, хусусий капитал рентабеллиги (ROE)ни 2017 йилда 22,96 фоизни ташкил этган бўлса, 2022 йилда ушбу кўрсаткич 2,98 фоизни ташкил этганини кўришимиз мумкин.

3-жадвал
“Ўзагросугурта” АЖ СКнинг 2021-2022 йиллар учун молиявий ҳисоботи, минг сўмда[12]

Кўрсаткич номи	2021 йил(минг сўм)		2022 йил(минг сўм)	
	Даромад (фойла)	Харажатлар (ёйғотиллар)	Даромад (фойла)	Харажатлар (ёйғотиллар)
Сугурта хизматларини кўрсатишдан даромадлар	154 334 598,60	0,00	203 681 383,70	0,00
Кайта сугурта бўйича зарарлар улушининг колланиши бўйича даромадлар	833 246,60	-	424 944,60	-
Сугурта хизматларини кўрсатишдан соф ҳоли	155 167 845,20	0,00	204 106 328,30	0,00
Кўрсатилган сугурта хизматларининг танқисини	0,00	72 004 597,10	0,00	103 049 054,30
Сугурта хизматларини кўрсатишдан янги фойла (зарар)	83 163 248,10	0,00	101 057 274,00	0,00
Давр харажатлари	0,00	99 253 240,00	0,00	107 934 169,30
Асосий фаолиятнинг бошқа даромадлари	14 153 027,40	0,00	8 585 846,50	0,00
Асосий фаолиятнинг фойласи (зарари)	0,00	1 936 964,50	1 708 951,20	0,00
Молиявий фаолиятнинг даромадлари	17 097 687,60	0,00	18 971 397,00	0,00
Молиявий фаолият бўйича харажатлар	0,00	5 048 182,70	0,00	3 017 177,20
Муносибалик фаолиятининг фойласи (зарари)	10 112 540,4	0,0	17 663 171,1	0,0
Фавқулоддаги фойла ва зарарлар	0,0	0,0	0,0	0,0
Фойла солиғини тўлашга қалар фойла (зарар)	10 112 540,4	0,0	17 663 171,1	0,0
Фойла солиғи	-	1 996 915,20	-	3 126 781,60
Ҳисобот замирида соф фойласи (зарари)	8 115 625,2	0,0	14 536 389,5	0,0

3-жадвал маълумотларида “Ўзагросугурта” АЖ СКнинг 2021-2022 йиллар учун молиявий натижалари кўрсатиб ўтилган бўлиб, сугурта хизматларини кўрсатишдан даромадлар 2022 йилда 203,7 млрд. сўмни ташкил этиб, ўтган йилга нисбатан 132 фоизга ошган.

4-жадвал маълумотларида “Ўзагросугурта” АЖ СКнинг 2015-2022 йиллар учун активлар рентабеллиги(ROA), хусусий капитал рентабеллиги (ROE), сугурта захирлари ва даражаси ҳамда капитал даражаси йиллар кесимида кўрсатиб ўтилган. “Ўзагросугурта” АЖ

СКнинг ROЕнинг энг катта кўрсаткичи – 18,07 фоиз 2016 йилда эришилган.

Сугурта компанияларида хусусий капитални шакллантиришда қўшимча акциялар чиқариш амалиёт муҳим аҳамият касб этади. Ҳозирги кунда, акцияларнинг оммавий жойлаштиришининг кенг тарқалган усули сифатида IPO ва SPO жараёнларини кўришимиз мумкин. Ўзбекистон Республикаси қонунчилигига кўра, «бирламчи оммавий таклиф (IPO) – акциядорлик жамияти (IPO ташаббускори) томонидан қўшимча акцияларни чекланмаган инвесторлар доираси учун оммавий таклифи бўлса, иккиламчи оммавий таклиф (SPO) – акциядор (SPO ташаббускори) томонидан унга тегишли бўлган акцияларни чекланмаган инвесторлар доираси учун оммавий таклифи» ҳисобланади[13].

“Ўзбекинвест” акциядорлик жамиятида IPO ўтказиш жараёнида 247 та ариза тақдим этилган бўлиб, акциялар учун таклиф этилган маблаг 18,13 миллиард сўмга етди. Шундан жами 14,11 млрд.сўмлик 100 та ариза муваффақиятли амалга оширилди[14].

Натижалар интерпретацияси (Discussion/Обсуждение). Ушбу тадқиқотни амалга ошириш давомида қуйидаги саволлар пайдо бўлди ва уларга қуйидагича жавоблар шаклланди: Сугурта компанияларининг молиявий фаолияти қай даражада шакллантирилган? Молиявий менежментнинг компания бошқарувидаги ўрни қандай? Сугурта компанияларда йиллик ўсишнинг даражасига қандай ҳолатлар салбий таъсир кўрсатмоқда? Йиллик ўсишни ошириш учун нималар қилиш керак? Мазкур тадқиқотни амалга ошириш давомида ушбу саволларга асосли жавоблар шакллантирилди.

Мақола бўйича хулоса ва таклифлар (Conclusions/Заключения).

Миллий сугурта компанияларида молиявий менежментнинг ўрни хусусидаги илмий- назарий қарашларни ўрганиш натижаларига асосан:

биринчидан, молиявий менежмент функцияларидан самарали фойдаланиш республикамиздаги сугурта компаниялари учун муҳим амалий аҳамият касб этади;

иккинчидан, сугурта компаниясида молиявий менежмент тизими қай даражада оптимал ва самарали ташкил этилган бўлса, шу даражада тизимли рискларни олдини олиш ҳамда фаолият рентабеллигини ошириш имконияти юқори бўлади;

учинчидан, сугурта компаниялари учун активлар ва хусусий капитал рентабеллиги муҳим аҳамият касб этади;

тўртинчидан, акцияларнинг оммавий жойлаштиришининг кенг тарқалган усули сифатида IPO ва SPO жараёнлари орқали сугурта компанияларига молиявий ресурслар жалб этиш амалий аҳамият касб этади.

References:

1. Ўзбекистон Республикаси Президентининг “2022 — 2026 йилларга мўлжалланган янги Ўзбекистоннинг тараққиёт стратегияси тўғрисида” Фармони, 28.01.2022 йилдаги ПФ-60-сон, Қонунчилик маълумотлари миллий базаси, 29.01.2022 й., 06/22/60/0082-сон, 18.03.2022 й., 06/22/89/0227-сон, 21.04.2022 й., 06/22/113/0330-сон; 10.02.2023 й., 06/23/21/0085-сон
2. Ўзбекистон Республикаси Президентининг 2023 йил 11 сентябрдаги «Ўзбекистон — 2030» стратегияси тўғрисида»ги ПФ-158-сон Фармони, Қонунчилик маълумотлари миллий базаси, 12.09.2023 й., 06/23/158/0694-сон
3. Michael J. Barclay, Fangjian Fu, Clifford W. Smith “Seasoned equity offerings and corporate financial management” Journal of Corporate Finance. Volume 66, 2021, 101700, ISSN 0929-1199, <https://doi.org/10.1016/j.jcorpfin.2020.101700>. (<https://www.sciencedirect.com/science/article/pii/S0929119920301449>)
4. Juan Wu, “Nexus analysis of financial management, digital finance and new technologies”, Global Finance Journal, Volume 57, 2023, 100869, ISSN 1044-0283, <https://doi.org/10.1016/j.gfj.2023.100869>. (<https://www.sciencedirect.com/science/article/pii/S1044028323000649>)
5. Элмирзаев Самариддин Эшукватович “Корпоратив молиявий муносабатларда солиқларни режалаштириш масалалари” // Экономика и финансы (Узбекистан). 2018. №6. URL: <https://cyberleninka.ru/article/n/korporativ-moliyaviy-munosabatlarda-soli-larni-rezhalashtirish-masalalari> (дата обращения: 28.12.2023).
6. Карлибаева Р. Молия тизими тараққиёти ва молиявий менежмент назарияси шаклланишининг фундаментал асослари //Архив научных исследований. – 2020. – Т. 35.
7. Каримов, Акрамжон Икромжон Ўғли. "АҲОЛИНИНГ БЎШ ПУЛ МАБЛАҒЛАРИНИ ҚИММАТЛИ ҚОҒОЗЛАР БОЗОРИГА ЖАЛБ ҚИЛИШ МЕХАНИЗМЛАРИ САМАРАДОРЛИГИ ТАҲЛИЛИ." Экономика и финансы (Узбекистан) 10 (146) (2021): 35-40.
8. Темиров А. Ўзбекистон Республикаси кичик бизнес субъектлари фаолиятида молиявий менежментни такомиллаштириш //Архив научных исследований. – 2020.
9. Ўзбекистон Республикасининг “Сугурта фаолияти тўғрисида”ги Қонуни 23.11.2021 йилдаги ЎРҚ-730-сон

-
10. <https://stat.uz/images/uploads/docs/xizmatlar12022pressuz.pdf>
 11. Тошмуродова, Б., С. Элмирзаев, анд Н. Турсунова. "Молиявий менежмент. Дарслик." Т.: "Иқтисод-молия 325 (2017).
 12. Ўзбекистон Республикаси истикболли лойиҳалар миллий агентлиги корпоратив ахборот ягона портали (<https://new.openinfo.uz/home>)
 13. Karimov A. I. THE EXPERIENCE OF INVOLVING THE POPULATION'S FREE MONEY IN THE DEVELOPMENT OF THE SECURITIES MARKET //International Finance and Accounting. – 2020. – Т. 2020. – №. 6. – С. 18.
 14. "Тошкент" республика фонд биржаси маълумотлари- www.uzse.uz ..